





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. M.7.23





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. M.7.23



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. M.7.23



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. M.7.23

INCUNABULI

M

7

23

Biblioteca Nazionale
Centrale - Firenze





Buc VI, 858

H* 10502

also copied in Miscellanea

Capitula S. V, vol. II





I.

LAVDINI EQVITIS HIEROSOLIMI
TANI AD FRANCIN^{am} BELTRAND^{um}
COMITEM IN EPISTOLAS MAGNI
TVRCI PRAEFATIO.

• Pistolas a me nup^{er} iⁿ lucem editas : ad quē
potius mitterē frācine: quam ad te: habui
nemine^m. iⁿ quibus non tam mihi laus scri-
bendi: quam uoluptas quæsitā est Nam cum mei
gratia colligendi Cicianum Campaniæ oppidū
secessissem: has quidem per ocium minus accurate
scriptas edidi. ut & tibi sollicitudinis & studio-
rum rationem non inuito redderemus Commeca-
rios uero: quos olim ad summum pontificem scri-
bere aggressus fueram: ut in aliud tempus remit-
terem: suscepti operis magnitudo efficit. At scio
me tamen in hac te multorum maledictis expo-
nere. Adeo peruersa hominum ingenia sunt: ut
nemo ex cōsciētia recti: sed frontis arbitrio quisq;
iudicet. Sic ubi iam pridem uerum amisimus:
hoc de me posteris iudicium relinquo. Nunc pu-
eri nasum rinocerontis habent.

ARGVMENTVM EPISTOLAR^{um}.

Maumetes Turcorum Imperator: cui postea ex mag-
nitudine rerū gestarū magnus Turcus cognomēto



fuit : Cum Asia potiretur (audis paterni regni
uiribus) in Europam copias ingentes per Elef-
pontum classe traiecit : quibus mox Bizantium
nobilissimam Constantini urbem ui captam ex-
pugnauit. Missam uero utramquæ : Galathas :
Thraciam : Achorâ : Peloponessum : Acarnanes :
Etholos : Ambrachiam : Epyrum : atq; omne ylli-
ricû latus in potestâtē redegit. Asiæ uero minoris
regna circiter .xii. obtinuit Pontum : Bithuniam :
Capadociâ : Paphlagoniam : Ciliciam : Pâphiliâ :
Liciam : Cariam : Lidiâ : Phrygiam : atq; omnē
Helespontum : quibus imperat. Epistolas uero
ad innumeras orbis gentes plurimas distauit.
partim Syro & Græco sermone compositas :
partim etiam Scythica lingua scriptas : quas quidē
Laudinius Eques hierosolimitanus : earum post
sententias affecutus : latinas edidit.

TVRCVS ZANCASSANO REGI
PERSARVM.

Audio te ad leptam (Euphrate superato) copias
ingentes traiecisse : quibus mox Parthorû fines
ingressus : omnia belli incendio late uastaueris .
ac tuorum impetu facto : exercitum in Armeniâ
traduxisse. ut quæ post urbiû dirreptiones : uicos :

.II.

oppida: & agros in prædā militum diuiseris. Te
quidē miror non uictoris animos: sed predonis
ostendere. Nos tamen ex omni grātia delectu
habito: aduersum te cōfligere paramus. ut æquis
uirtibus cum hoste cōtendas. Turpissimū quippe
ducimus: maximos atq; opulētissimos reges latronū
bella imitari.

ZANCASSANVS TVRCO.

Cum sub radicib; Thauri castra posuissem: mox ad
Thesiphontem oppugnandam cum exercitu ma
gna celeritate cōtendi. fines præterea Armeniorū
late depopulatus: ut metu nobis omnia parerēt.
Quo magis miror ipse ob quæ iure belli tot ac
ranta gessimus abs te factum meum accusari.
Non enim ex hoste laudē: sed uictoriā querimus.

TVRCVS ZANCASSANO.

Ad Cilicie angustias cum exercitu perueni: quo in
loco Darium Alexāder. Max. memorabili clade
superauit. Nec aliam nobis fortunam belli pol
licemur: qui Alexādrū foelicitate ac rerū gestarū

gloria æquimus. Non enim multitudine imperita
res magnæ geruntur : sed in uirtute paucorū. uictoria
sita est. } no.

ZANCASSANVS TVRCO.

Cum ad uires ipse meas respicio : ac magnitudinē
rerum gestarū : quibus deos immortales felicitate
æquavi : temerarios quidē tuos apparatus minimi
duco. Qui eo semper usus sim inuidissimo exerci-
citu : cuius uirtute regū fortunatissimus appellarer .
Bactrianosq; omnes Persas : Medos : Armenios :
Parthos : ac uniuersum pene orientem armis sube-
gerim . solusq; post Alexandrum bella gentibus
idixi . Tu uero superiore loci fortuna : ad Cylicie
angustias gloriari desine. Indus Elephas Culicē
non timet . nec uero tam difficile quicquam est uel
arduum : quod non pertinax militū opera expug-
net. Virtus profecto nihil inuium habet.

SEXVARES REX ARMENIAE . TVRCO .

Oratores nostros ad Zancassanum in Thesiphon-
tē misimus : qui apparatu incredibili Mesopotamiā
ingressus . Babilonē et Carras magna ui oppugnare

.III.

contendit. Syriam præterea omnem & Egyptum
i prædā sibi destinavit. Nusquā adeo innumerabi-
les copias tanquam ingentes exercitus in unum
coactos esse memoria proditum est ut Xerxem :
Darium : Porrum : & Alexandrum magnitudine
uirium facile superarit. Accedunt his milia equitū
sexcenta ac etiam totidem peditum . Apparatus
uero belli magnificus & locuplex. Tentoria uero
gemmis : ac etiam uario lapillorum genere distin-
cta : regiam suppellectilem ostendunt . Pellices
in contuberniis totidem : quæ pueros ultra septi-
gentos adesse memorant . Eunuchi præterea cum
metatoribus impedimenta secuti ad sex milia re-
feruntur . Arma etiam cuiusq; generis ad usus
castrorum affirmant. Galicos toraces : Numatina
Hispanorū scuta : Latinas Ocleas : Sagittas Cy-
donum Cretenses : Arcus particos : & Egiptiorū
sarissas . Hæc tibi omnia p speculatores nostros
quam diligentissime cognita nuntiamus . Quis enī
aduersus eum temere quicquam audeat : qui cum
diis ipsis de imperio certare uideat : aut quisnam
rebus suis consulere non curet sedulo ob incuriā
faciliter perituris !

TVRCVS SEXVARI.

Que nobis de apparatu Zancassani per legatos significasti: militum quidē nostrorū animos auxere. Quibus ad diripienda hostium castra spes longe melior ac belli fiducia accesserit. Pellices uero gemmas atque exercitus ornamenta: nihil ad uictoriam conferre existimo: quæ cum hostibus impedimento sint: nostrorū potius animos ad prædā accendere uidentur. Nec tamen de apparatu regio nec deliciis contendimus: sed de uictoria. ac militum uirtute quibus regna parari soleant. Copias adeo innumerabiles facile continemus. Imperita enim multitudo ad fugam promptior est: quā ad uictoriam.

SOLDANVS TVRCO:

Cum tot usque uictorias rerum gestarum magnitudinē ipse de te audiam: nulla quidem ratione satis adduci possum: hæc uel tua uel militum uirtute geri: sed fortuna profecto: quæ in omni re dominatur. Neque tamen ipse tuis laudibus inuideo. Quis enim uirtutem etiam in hoste non prober? Sed ea quippe est rerum humanarū imbecillitas: ut

.IIII.

nisi cūcta fari necessitate regantur: fortunæ potius omnia ludibrio exposita sint: quam uel prudētia hominū aut cōsilio recte gubernari queant.

TVRCVS SOLDANO .

Longe quidem aberras: si eos qui res consulto agūt: fati omnia credere existimas. Virtus profecto nunquam fortuna regitur: sed ratio ipsa animi est: quæ in cunctis dominatur. & qua cæteris animantibus ad eos propius accedamus. Tu uero tamen eorum quæ tot ac tanta gessimus rationem accipe. Si nobis speculatores & uigiles nō desunt. Si nobis etiam miles ueteranus adest. Si tyro quiuis ex omni numero delectus. Si præterea exercitus ingens uincere assuetus: uinci uero nunquā. Et qui longas hyemes sub pellibus durissime agat ac maximis sepe itineribus: periculis: laboribus & uigiliis terra marique expositus sit. nullaque bellandi intermissione fatigatus: & cuius acies nunquā loco cesserit. ac nemo pedem referre audeat. Et qui frigoris estus ac inedia patientissimus sit. nec fractus ī aduersis: nec ī secūdis elatus. & quæ mala postremo omnia uirtute superauerit: & longiqua

domo militia tot innumeras orbis gentes & incre-
dibiles sepe hostium exercitus fuderit. Cuius &
ipse gratia uniuersi pene orientis Impator cōsti-
tutus sum Si hæc igitur ōnia fortunam uocas : &
casu euenire : fateor cuncta equidem fortunæ lu-
dibrio agi.

TVRCVS PONTIFICI
ROMANO.

Corinthus Achaia nobilissimam Etholos : Acar-
nanes : Macedoniam : atque omnē Peloponessum
armis inuasimus . Vicos præterea agros : & oppi-
da late incēdio depopulati : ut mox ī Italiā bellū
transferamus . Hæc tibi omnia cum summo chri-
stianorum metu ac detrimēto nunciamus .

PONTIFEX ROMANVS
TVRCO .

Quod Græciam omnem ferro igneque uastaueris :
non tam crudelitatem in hac re tuam : quam tot
urbium dirreptiones ulcisci paramus . Neque &
enim uictor hostibus ignoscere poteras : qui tu-

. V.

is etiam immanitate scelere ac libidine nunquam
pepercisti. Nec enim pium fasue quicquā apud
homines esse potest: cui (neglecta religione) deus
in contemptu sit. Nos tamē uero nullum a te bel
lum in Italia metuimus. Facile eīm scelerata ho
minum arma cōtemnit: qui dei numine ac p̄sidio
tutus est.

TVRCVS PONTIFICI
ROMANO.

Frustra per deos immortales nobiscum agis: qui nec
tecum de pietate: nec de religione: nec iusticia: sed
de imperio contendimus. Vter armis uictor exti
terit iustior: eidem belli causa debebitur. Crudeli
tatem uero: ac etiam scelera: quæ duo nobis gra
uissima obiecisti: ideo in captiuos exercemus: ut
eum esse me re quidem expiantur: quem uerbis
homines prædicant

PONTIFEX ROMANVS
TVRCO.

Et si tecum nobis iustissima belli causa est: non pa
ri tamen scelere uel etiam ipsa libidine regnandi:

Sed pro tuenda hominum libertate arma sump-
simus . Quis enim mores tyranni perditissimos
æquo animo ferat ? Nanque quod plerumque in
cæteris usu euenit : ut uel metu uel odio : non nūq̃
etiam ira in subditos acerbiores reddantur . Ipse
omnibus sponte immanior es : qui crudelitate po-
tius quam uictoria gloriaris . ac ea tanquam pa-
rum sit admisisse . Captiuus etiam semper calami-
tates exprobasti . Meritis igitur penas exolues .
Vltor enim scelerum deus : uindictæ tarditatē sup-
plicii grauitate compensat .

TVRCVS VENETIS .

Ad patras ingenti cum exercitu ueni . uidi . & uici .
hæc uobis cum maximo rei publicæ detrimento
nunciamus .

VENETI TVRCO .

Nec belli usu : nec uirtute militum : sed nos fortuna
ad patras superasti : quæ cū minime sit ī potestate
hominū sira eandem ipse rerum uicissitudinē : qua
nūc leuissime oīum stolidissimū gloriaris : expecta .

. VI .

Parū enim laudis uictoria habet: in qua plus fortune ludibrio actum est: quam hominum uirtute seu consilio prouisum .

TVRCVS GRECIE
MAGISTRATIBVS

Non pigebit uos tandē ab armis discedere: quos toties a me uictos acie: bellū adhuc reparare audio. Victores enim arma deēt inferre. Victos quidē obtemperare legimus . Turcius igitur esse uobis ducimus æquas pacis condiciones accipere: quam si rursus a me bello superati: pacē simul & arma amiseritis . Nam sera nimis est: post cladem deliberatio .

GRECIE MAGISTRATVS
TVRCO .

Nec prius ab armis discedemus: quam te cū bello congressi propulsemus iniurias: quibus nos abs te uictos fuisse totiens tua ex dementia gloriaris . Dubios enim rerum euentus & cōmunem belli fortunam non ignoras . Pacem uero quam ut uictis obtulisti recusamus . Minime quidem rei gerendæ consilia apud hostes querenda sunt .

TVRCVS VENETIS .

Classe uestra : quam ad belli naualis usum maximā comparastis : Litie maritima infestari audio: ac uos late regni mei fines depopulatos Athalam pamphilie urbem armis circumsedisse . Videte obsecro quos tandem exitus hæc habitura sint . Aliena temere oppugnat: qui egre sua bello tueatur. Vos nanque post amissam Calcidem seruare potius re publicam ac nominis dignitatem retinere oportet: quam armis imperium querere.

VENETI TVRCO.

Nec Peloponessus nec Calcis equidē ipse iam pridē bello ammisit : nos ab oppugnatione perterrent : quas non ipsa uirtute militum nec uiribus expugnatas : sed facta nostrorum deditione in potestatem redegisti. Nos tamen qui non armis perfidia: sed uictoriam querimus : omnia tuis infesta mari ac terra classe reddidimus . Nec enim ad generosi principis animos uirtute accedit : qui non iure belli captas urbes : sed insidiis proditas in deditionem accepit .

.VII.

TVRCVS GENVENSIBVS.

Audio Menedorum uestros apud ciues graui mei
nominis cōtumelia sepe contionari: tanquam nos
iniuria aliqua maledicendo afficiat. Erratis uehe
mēter. non enim maledictis uobiscum: sed armis
contendimus. atq; is de se facile rumores ī hoste
contemnit: qui regnādi libidine nullā iam pridem
apud homines infamiam declinauit.

GENVENSES TVRCO.

Nec patrum auctoritate Menedorus: nec urbis decre
to ciues te nostri probris omnibus insectantur:
sed priuato quodam & īexpiabili odio: quo tibi
omnes ad iniuriam prouocasti. Hos uero non
maledictis iniurias: sed armis propulsamus. parū
tamen nostra sententia rei conducit: qui de te ferāt
in conditionibus rumores. Nullam quidē honesti
rationem exigit uitæ male actæ turpitude.

TVRCVS NARITIIS.

Dementiam uestram: non belli metum accusamus
Naritii: qui a me uobis arma ultro inferri per
suasi estis: tanquam nunc sibi in mures predam
leo mediteatur. Non pudet uos igitur Culices

in Elefantem configere .

NARITII TVRCO

Vtinam uilis prædæ naritios contemneres : ipsi enim
ad uires parum tuas respiceremus . Sed nobis
ignosce tot mala in hoste perpessis . Nos quidem
præterita : futurorum rationem habere cōpellit .

TVRCVS CORCYRENSIBVS.

Falsi mihi estis iniuriam corcyrenses : qui à brachias
fines & lare Acarnanū agros depopulati : omnia
in prædam diripuistis . cum tamen ipse uobis
totiens antea ignouissem . Sed qui prius iniurias
intulere : grauiore ipsi expectent necesse est .

CORCYRENSES TVRCO .

Erras uehementer : si nos tibi falsos iniuriam tantum
existimas . nec uorum clades & belli detrimenta
intulisse . Nos ideo aduersum te prius arma sump
simus : ut grauiora in hostē moliamur . Neque enī
tyranni crudelitatis ferre æquo animo possumus :
qui nullo immanitatis scelerum ac libidinis genere
omisso : uim omnibus attulerit .

.VIII.
TVRCVS REGI CIPRO^{RE}.

Ad Kalendas sextiles cū exercitu ī Ciliciā perueni:
ut Tharsiam urbem opulentissimam expugnare.
Lupum uero classis tue legatum: nō longe a phre-
atis captum occidimus. Tu igitur: qui paternum
regnum adeptus es: nunc fortunæ leuitatē me-
tue. Nihil in humanis rebus diuturnum atq; idem
foelix esse potest.

REX CIPRORVM TVRCO.

Cum bello Cyprum repeterem: nullus paterni regni
uiribus hostem ad Ceraumia uici: qui tūc meorū
ope destitutus: apud Carras exulabā. mox tamē
insulam parua manu īgressus incredibiles hostiū
copias superauī. ut me quidē oēs Euagorā antesse
prædicarunt. Nos igitur oīa consulto gerimus: ac
militum uirtute. nec tam bene gestis gloriamur:
quam futura prouideamus. Tibi uero præsertim
fortuna longe metuenda est: qui tot rerum successi-
bus ac nimia usus foelicitate uidearis. Nā omnia
fatis cōmittere: non tam homini incertum est: quā
sepe temerarium.

TVRCVS METHONENSIBVS .

Nec urbem uestram Methonerles oppugnare : nec
tamē ab exercitu nostro tutā esse uolumus : donec
(belli diuturnitate) Ciues in odiū arma uerterint .
Sic enim ualitudine semp aduersa laborantibus :
mors nempe langoris tedio exoptatior est : quam
uitæ longitudo .

METHONENSES TVRCO .

Parui siquidem semper arma fecimus : quæ ignauis
terrorem sortibus uim nullam asserant . Tu tamē
esse de nobis sollicitus desine : qui sine hostium
cōsiliis aduersa præferre didicimus . Scito præterea
nūquam arma in odium uerti : quibus aduersus
tirānum patriam libertatem parentes ac liberos
egregii ciues tueantur .

TVRCVS .CORONENSIBVS .

Non pudet uos Coronenses ter ad Martineam acie
superatos uires & exercitus reparare . An ne ideo
bellum semper geritis : ut uinci totiens sero peni-
seat . Si uero pacis obtinende gratia in nos arma
sumpsistis : timori uestro ignoscimus . Si rebus
afflictis uincendi spe : insaniam accusamus .

VIII.
CORONENSES TVRCO

Qui bellum totiens in hostes moliuntur: hi se qdē
pacis studiosissimos longe omnium declarant.
pax uero nulla ciuibus aut securitas reddi po-
test: nisi pugna cum hostibus cōmissa. Nā belli
semper & pacis arbitria ī uictoria posita sunt.

TVRCVS FLORÉTINIS:

Mercatores uestri q Galathis & ī Ponto negotiānt
ad nos Thessalonicae oratum misere. ut illis ue-
tigalia a publicanis & cōmeatus omnes liberi
essent Nos igitur: quibus nihil pulchrius ē: quā
in amicos liberalitatem ostendere: uestros ciues
libertate donauimus. Nam qui benemeritis de
se beneficium contulit: is non tam aliqd exhibe-
re: q̄ referre gratiam uidetur.

FLORENTINI TVRCO:

Beneficiorum magnitudine a te profecto supamur
gratitudine uero animi nequaq̄. Nam dignum
te aliquid in ciues nostros contulisse: id quidem
multifecimus semper. At nos uero maiora tibi
uirib; referre pluris hoc esse ducimus. Non. n.
magnitudine rei beneficium: sed uoluntas animi

officio pensanda est

TVRCVS PONTICIS .

Naues onerarias : quibz ueluti propugnaculis maria infestabantur: captas in Egeis ad uos remissimus . Neq; tamen p deos immortales ut aliqd ad gratiam contulisse uideamur: nobis multo qppe gloriosius est liberaliter in omnes plura conferre: quam accipere .

PONTICI TVRCO .

Liberalitate in omnes uti: quid hercule aliud est : q hominum gratiam promereri? Tu uero nauibz ad nos remissis ex hostibus iam pridem : nunc belli socios reddidisti . Adeo pulchrum est iniurias in gratiam commutare.

TVRCVS CRETFNSIBz

Turpe quidem nobis est Cretenses amiciciã colere i qua bellum potius aduersum nos quã pacem ostenditis . Sed uidete quãso: ne uobis temerariũ sit: eos mox ut hostes formidare: quos prius socios nullo iure contempsistis . Multos enim sepe conatus sui penituit .

CRETENSES TVRCO

Et uim ui repellere : ac dolum dolo neetere : nobis semp maiorz instituto licuit. neq; tamẽ amiciciã

. X .

uiolamus : si inimicorū iurias ulciscimur. Sed
quo nam pacto tu a nobis fidem exigis : quam
ipse nemini unquam antea praestitisti.

TVRCVS CHIIIS.

Tributa uobis chii remisimus . nam cum uestroꝝ
erga nos meritoꝝ magnitudinem respiceremus
uos quidem esse iussimus immunes . Non enim
ab amicis pecunia sed fides exigenda est.

CHII TVRCO.

Non quod pro tua erga nos liberalitate optauis
id enī uotis minime assequeremur : sed quod ua-
luimus grās tibi imortales habemus ī posterum
Hoc nobis ramen solatio est : quod facultate ab
amicis non liberalitate uincimur.

TVRCVS EPIDAVRIS.

Abideos Phriges & Dardanos maris antea p̄do-
nes nunc classe ad Milas interceptos : ac uariis
cruciatibꝫ enecatos audio. Id quidem a uobis
iure belli factum existimarim. Liburnicas tamē
ac biremes incendio absumpsisse turpissimum
ducimus . Non . n . bellum uobis cum nauibꝫ qd
uero sentiant : sed cū rectoribus suis gerēdū est.

EPIDAVRI TVRCO

Et pyratas iure belli captos & liburnicas incendio

absumpsimus. Illos uero quod nos sepe incursionibus infestauerunt. has quidem quod latrones finibus nostris inuexerant. Par ergo duximus naues cum rectoribus suis incendere: quae predam nostrorum ac spolia in asiam auerexissent. arma enim quibus oppugnantur pro hostibus habenda sunt.

TVRCVS NAVPLENSIB.

Non cessabitis ab iniuria Nauplenses: qui fines Acheorum ingressi: multos quidem mortales crebris excursionibus in predam adduxistis. Quo pacto non fieri potest: ut qui metu clausi permantur obsidione uictoris agros & oppida late incendio uastauerint: Sero tamen patriae consulere uideatur: qui desperatis rebus conantur extrema.

NAVPLENSES TVRCO.

Et patriae in primis ac ciuium saluti: quibus omnia debentur uitam obieciimus. Aut enim pro defensione Rei publicae salua nobis libertate honestissime cadendum est: aut depulso tyranni iugo: pristinam retinebimus libertatem. Nihil uero pulchrius esse ducimus: quam parentibus: liberis: ac rebus postremo omnibus: patriae libertatem antepondere.

. XI .

TVRCVS PANNONIIS .

Virtutē uestram Pannonii & si bello maxiam sepe
declarastis : plus tamen uobis incōmodi attulisse:
quam boni quicquam usum didicistis . His uero
qui maiores uirib; animos gerunt : semper affuit
in bello temeritas .

PANNONII TVRCO .

Nec belli a te consilia: nec armorum quibus oppu-
gnamur: rationē ab hoste exigimus . Satis pru-
deniæ quidem gerendis rebus habere existimāe
qui uirtute animi & constātia uictoriam sibi cū
laude pepererunt .

TVRCVS MACEDONIB; .

Legati ad me uestra mandata pertulere: quib; nos
ad odium potius qnam ad gratiam prouocastis
Vos enī totiens uictos & supplices decere ma-
gis uidebatur pacis conditiones recipere : quam
auferre impudentius . Turpe quidem ē calami-
tibus affectos supbe cum uictorib; agere.

MACEDONES TVRCO .

Nulla tecū nobis ex equo pax esse potest: qui tue-
ri patriæ libertatem studeamus : tu uero armis
imperium querere . nec tamen nisi constanter &
ingenue de Re publica loqui possumus : qui

pulchrius libertate nihil apud homines esse
ducimus. Hoc tamē cōmune tyrānis uiciū ē: ut
gravi semper odio liberas ciuitates insequantur.

TVRCVS ASIATICIS.

Oratores uestri apud Zizicum legationem expo-
suere: quibus re nobis hostes uerbis quidē socios
ad arma ostenditis. Aut igitur naues longas
quam primum nobis subsidio mittite: aut bellū
eligatis. Neque enim uerbis semper amicorū uo-
luntas: sed cum facto opus sit tamen maxime
rebus declaranda est.

ASIATICI TVRCO.

Quod multa coram per legatos pollicemur: re autē
per pauca exhibemus: alteri grati quippe ani-
mi est: alterum inopiæ ascribendum. Munera
uero ad te per Mearchū misimus: quæ si tuis
animis fortasse minora uidebunt: nostris tamen
uiribus maiora fuisse existimabis.

TVRCVS BITHINIIS.

Nec ad belli usum naues: nec pecunias ī tempore
misistis. Tarditatem igitur uestram aecusamus.
Videte obsecro: ne nobis infensi reddant: quos
per negligentiam contemnere uidemini. Præstat
enim uoluntaria semper in hostes arma sumere:

quam post inultos ad bellum coqui.

BITHINII TVRCO.

Naues ex omni numero .xx. nuper incendio consumptas amisimus. Reliquæ uero ad maleam partim illis scopulis: partim etiam absorptæ profundo in hostium conflictu periere. Pecunias uero omnes belli diuturnitate exhausimus. Ignosce igitur nos fortunæ calamitatibus affectis. Nulla. n. liberalitate uti possunt: quæ extrema rege inopia laborat.

TVRCVS DELPHICIS.

Nec apollinis uestri oracula: nec medicinæ auctor Esculapius uos omnino ab infania liberarent: quæ rem adeo inconsulte gessistis. ut ne minerva quidam ipsa consilium uobis in tanta dementia afferre queat. Nam corporis sepe langores ope adhibita curantur: morbo quidem animi uis nulla mederi potest.

DELPHICI TVRCO.

Sapientia quidem a rebus gerendis plurimum distare uidetur. Nobis tamen quod & medicis plerumque euenit: qui aliorum morbos ad sanitatem perducunt sibi uero nequaquam medentur.

TVRCS PERGAMENIS.

Expeditionē aduersum euboicos pergameni suscepimus. Vos ideo nobis ad Marathonas occurrere iussimus. ut qui uestram semper erga me fidē opportune declarastis: nunc etiam cum opus sit celeritatem ostendite. Duplex illis gratia debet qui in dando nō solum beneficio liberales: sed etiam promptissimi in exhibendo uideantur.

PERGAMENI TVRCO.

Classe īgenti ad bellū proficiscitur. ut uires nō solū tuas augeamus: sed calcidēses fortius oppugnē. Illis tamen gratiā nequaquā habēdā sunt: qui cū possint quod iure debēt liberaliter exhibeāt.

TVRCVS MITHELENIS.

Fides uestra Miteleni & si omni tempore nobis perfecta est: nunc eam tamen maxime omnium declarastis: quos quidem urbis portas hostibus occlusisse audio. Non enim aliorum perfidiam libenter imitamini: qui nouis semper rebus studēt. Adeo pulchrum uobis est amiciciā iura simul tueri atq; armis patriam defendere.

MITHELENI TVRCO.

Bichinei quibus extincta omnino Re publica sub tyrānide perpetuo agendū est: satius ī potestate

.XIII.

unius esse duxerunt: quā multorum regna experiri.
fidē igitur nostrā in hac re nō tā p̄bare debes:
quā admirari prudentiam. Non enim eos libenter
imitamur: qui morbo incurabili laborantes:
multos sibi medicos adhibent. nullam tamen ad
crebra remedia corporis ualitudinē recipiūt.

TVRCVS AMAZONIIS.

Si pro tuenda ciuium libertate Amazonū bellum
aduersus me susceperitis: non tā uos ipse hostes
iudicarem: quā egregios ciues pro patria: liberis:
ac parentib; arma sumpsisse. Sed nulla quidem
ratione p̄suaderi ualemus: eos nunc uiroꝝ ī pia
recusare: quos olim regna fœmiarū tā diu pertu-
lisse audio //

AMAZONII TVRCO.

Amazonidum regna: quæ nobis ad contumeliam
obicere uideris: nos minime quidē aliis parere
hortantur. Turpissimū enī ducimus: uiros fœmi-
narum uirtute superari. Eos igit̃ inuidios armis
& principatu dignissimos arbitrare: apud quos
etiam mulieres imperare didicerint. //

TVRCVS ILLIRICIS. //

Nec urbē uestrā armis tueri: nec diutius obsidionē.

premi sustinetis .aut igitur uictis leges accipien-
dæ sunt .aut arma tyranni propulsanda. Demē-
tium sane est ōnibus sociorū auxiliis atque ope
destitutis : cum Rei publicæ detrimento bellum
protrahere.

ILLIRICI TVRCO .

Cum nobis semper animos ad retinendā libertatē
affuisse non ignores : spes adhuc nostras libēter
amplectimur. Neq; uero in deterius labi fortuna
potest: ubi afflictis rebus opem afferre nequeas .

TVRCVS RHODIIS .

Si uobis eadē Rhodii quæ animi est uirū quoq;
magnitudo par esset: uos longe quidem omnium
inuidissimos ducerem. Sed cū uiris equis armis
pecuniis & cōmeatu bella parentur: uestrā ma-
gis fortunam respicere oportet : q̄ nos temere in-
pugnam lacessere. Minime enim par ratio uidet
hostem posse animis atque eadē uiribus supare.

RHODII TVRCO .

Et uires nobis atque animos semp affuisse multis
ac maximis tuorū cladibus non ignoras . ōniāq;
ad necessarios rerum usus abunde cōparauimus
ut non minus domi Rhodiorum prudentiam

.XIII.

quam foris in bello magnitudinem animi admirare. Nos uero & si armis inferiores sumus : a te profecto fortuna: non uirtute superamur.

TVRCVS RHODIIS .

Audio uos Rhodii nunc fossas urbis ingentes ac triplici uallo muros circumduxisse: portus uero geminos ad Maderachium Collosi ferreis arctasse catenis : ut ciuitas ab incursu hostium libera sit: & nos ab oppugnatione uestra deterreamur. Res profecto memoratu dignissima. Quid .n. pulchrius : quam libertatem: patriam: liberos ac parentes (seruata re publica) armis defendere? Sed quod tamen uobis animus est per deos immortales tam ingenti apparatu nostris uiribus terra ac mari obsistere? Post enim Bizantium: Lesbos: Peloponnesum: & Calcidem expugnatas : uos aliarum potius urbium fatum decet imitari : quam in exemplum cladis prebere. Nam qui uiribus maiora audent: temeritatis quidem penas sepe dederunt .

RHODII TVRCO .

Græcorum nobis captiuitatem non tam commemorare debes quam nos alius in exemplum uirtutis referre . qui iustiore

belli causa meliorem quoque rerum fiduciā gerimus. Te uero semel ad Coum: his etiā armis ad Calymnum urbem uicimus. Soldani quoque babilōiorū regis uires & arma obsessi p̄fligauimus. Egyptus uero Syris & phenicibus nauarchæ Rhodii bellum sepe intulerūt. Nolite igitur aduersum innumeras orbis gentes uictoribus fiduciam nobis exprobare: qui aliorū potius aduersum te animos uirtute nostra augeamus: quā ex captiuorū cōmemoratione terreamur.

TVRCVS EPIRIS.

Dirachium: Apoloniam: atque omne illiricū latius ab exercitu nostro infestari: nuper ex legatis Molossorum cognouimus: atque uiarū angustias latronibus obsideri. nihil ue intra Macedoniam tutum esse rexerunt. Nos uero Epiri iam pridem fatis omnia credidimus. ac ius ī armis experimur. quāobrem pristinae uirtutis mēores decere uos magis arbitror acceptas ulcisci iniurias: quam de his frustra p̄ legatos uerba facere. Non enim oratione: sed bello uis hostium propulsanda est.

XV.

EPIRI TVRCO.

Si nobis id quidē armis licuisset: acceptas ab hosse iniurias ulcisci malle: quā de his tecum per legatos agere. Sed cum nullis uiribus id assequi ualeamus: satius quidem esse duximus pacē ab hostibus petere: quam bellum frustra moliri. Nā recte omnia consiliis prouidisse: nō tam prudētia debet quam fortitudinis uideri.

TVRCVS DALMATIS.

Tributa uobis imperauimus: quā cum sero nimis exhibeant: id facere inuitos ostenditis. Aut igitur fidem uestrā cum opus sit re nobis cōprobate: aut bello uos hostes declarabimus. Minus quidē decere uidetur in amicitia dissimulatio.

DALMATAE TVRCO.

Tarditatem minime nostram accusare: sed inopiam debes. Nullo enī pacto exhibere tributa possis: qui nullam cogendi pecunias facultatem habet. Quamobrem minime hostes iudicandi sunt: qui fide tantum in amicos: liberalitate uero nulla ob inopiam utantur.

TVRCVS APPVLIS.

Brutiorū urbes atq; omnē late Appuliā iure belli repetimus: qui ut Græcos armis subactos nostro

adrecimus impio: nūc eā quoq; italīe orā armis
inuadere paramus: quæ magna quōdā Græcia
uocitata est. Vos igit̃ aborigenes ur̃os pulcherrie
imitati: deditionē faciue. Turpe q̃dem uidet̃ egre-
giis ciuib; ab instituto maiorū ac patriæ legib;

APPVLI TVRCO (desciscere.

Qui oīa ex libidine agūt: uis sibi quid est ī armis
esse declarāt. Tu uero & si nos græcorū calami-
tatē sequi iubes: nō tam nobis eorū leges quam
regnum p̃suadere niteris. Sed nullo pacto fieri
pōt: ut tibi cæteris ad gratiā p̃mptiores red-
damur: qui captiuos (oīb; a te supplicis affectos)
ūter uarios cruciatus crudelissime enecasti. Facile
enī clemētia liberalitate & iusticia regna parari
solēt: difficillīe uero sub tyrānide armis retineri.

TVRCVS BRVNDISINIS.

Portus nobilissimi ad nauū receptacula: atq; urbis
uestre situm: ex legatis Messapiorum cognoui-
mus. Vos idcirco cum hydruntinis belli socios
nobis ad arma pollicemur. Copias namque
in Italiam traicere paramus: quibus ingenti
comparato exercitu: uictoriam consequamur.
Minime igitur eum uos decet asp̃nari: quem ob

asp̃nari .//.

.XVI.

iusticiam sui diligere possint: atque hostes ob
arma formidare.

BRVNDVSINI TVRCO.

Nō pudet eos te belli nefarii socios ī arma euocare:
quos semper hostes omīum acerrimos habuisti.
Detestanda quidem arma tyrāni sunt: cui post
uictoriam inter crudelitātē scelera & libidines:
captiuus mox seruiendum est.

TVRCVS SYRACVSANIS.

Audio uos Syracusani cū Agrigentinis: Messanī:
& Cataneis aduersum nos (pro restituenda græ
corū libertate) conspirasse. Nos idcirco ex Pelo
ponesso copias ingētes Syracusas traicere para
mus: ut eos nūc hostes experiamini: quos prius
socios nullo iure contempsistis.

SYRACVSANI TVRCO.

Cum gerēdi belli fiducia aduersum te arma sump
serimus: nil temere profecto aggredi in hostem
uidemur. nam qui iustius de imperio certant:
promptiores ad uictoriam redduntur.

TVRCVS ITALIE MAGISTRAib.

Germaniā: Gallias: & Hispaniam aduersum nos
concitasse audio. uosq; illis ad bellum Duces
exhibuisse. Parū sibi quidē consulere uidentur:

qui temere hostē ī pugnā nulla causā laceſcunt.
ITALIE MAGISTATVS TVRCO.
Iuſtiſſima nobis tecum belli cauſa eſt : Qui ſce-
uiſſimi Tyrāni crudelitātē ac ſcelera deteſtātes :
arma aduerſum te uelut publicum nature hoſtē
ſumpſimus .nec ſolum cum Germanis Gallis
Hispanis & uniuerso occidēte conſpirauimus :
Sed liberas ciuitates etiā per legatos aduerſus
Turcorū gentem undiq̃ ſollicitamus . Idcirco
pſua ſi a nobis criſtianorū opulentiffimi Reges
coactis ad bellū uiribus populos ī arma cōcita-
rūt. Vt tot crudelitates tuas furorē cedes libidinē
incendia & urbium direptiones ulciſcantur .ac
deſenſa hominum libertate : tuis ab iniuriis orbē
uindicemus . Iuſtiſſima quidem arma ſunt: quibz
publica omnium ſalus contineatur.

**TVRCVS REGI
FERDINANDO.**

Egregias laudes tuas & inuicti animi magnitudinē
ac rerum geſtarum gloriam libentiſſime accipio.
qui cum totiens bello hoſtes proſtigaueris : ea
ratione uiciſti : ut uictis poſſes ignoſcere . nec
ut iuſtiſſimam ultionis iram hoſtis publicus :

.XVII.

uerum animi clementiam quius in te experiret.
& quod summum i principe ducimus : fortuna
quippe aduersa te semper inictuum praestitit :
nec in secundis rebus elatum . Hæc ideo de te
libenter cōmemorauimus : quoniam sepe etiam
uirus i hoste laudatur.

REX FERDINANDVS TVRCO.

Et si pulcherrimum esse ducimus aliquo insigni
merito ab hostibus laudari: quod eorū uerius
probamur testimonio & amicorum sepe iudicio
fallimur . Nos tamen uerbis non tam gloriæ
uoluptatem querimus : quā ut propriā ex reb
gestis laudem assequamur. Hæc uero libētissime
complector: cū tibi me uideri: quē simul hostes
ob uirtutē admirari: & ciues ob iusticiam cole
re possint.

TVRCVS SICVLIS .

Cartaginēsiū duces : qb̄ olī cū Romanis de impio
orbis diu certatū ē: multis uos sepe cladib̄ affli
xere. q̄ partium studia secutos : egre in fidē reti
nerēt. Nūc uero subsidia Rhodiū ad halicarna
stū misisse audio. & comatus oēs ad belli usum
māib̄ onerariis cōportasse. Vos igit̄ hostes pu
blicos bello declarab̄is . ut q̄ nos frustra leseris

temeritatis penas lurre cogantur. Non enī solum
nobis tutum ē ab aliorum iniuriis uindicare: sed
hostibus etiam formidolosum.

SICVLI TVRCO.

Nec cōtra te arma sumpsimus: quos nūc Rhodiis
subsidia ī halicarnasso misisse arguis: nec quē-
piam affecisse iniuria uidemur: si crudelissimo
tyranno lociorū auxilia fidemq; anteponimus.
Noli igitur maiorum perfidiam siculis obicere
qua quidem omnibus ipse fidem datam ac ius
iurādū semp uiolaueris. nec eos minis prerrere
debes: quibus promptius est ad arma iniurias
quam ad uerba referre.

TVRCVS ALEXANDRINIS.

Mercatoribus uestris alexandrini pontum omnem
& asiam interdiximus. Nam cum Bituniorum
urbes ere alieno opprimerētur: legatos ad m:
Callipolis questum misere. Insup negotiatorū
uluras detestantes: quibus ciuitatum pecunie
exhauriātur. Sanctius nobis igitur usum est: ad
multorū potius: quam ad paucorum utilitatem
respicere.

ALEXANDRINI TVRCO.

Et si minime ad uos pertinere uideatur: tecum

XVIII.

de priuatis rebus cognoscere : si tamen eadem gesta fuerunt aut tentata que scribis : nec graui a nobis : nec odiū in hac re promereri . Cuique enim pro arbitrio res sua agit.

TVRCVS TARTARIS.

Quod multis sepe usu euēit : ut uel metu aliquo aut necessitate ī alios plerūq; deteriores fiant uobis quippe natura loci tribuit omnium fore pessimos qui uelut incōdita uulgi barbaries nullis legibus teremini . Cum tamen ad nos pecunias nec in tempore legatos miseritis : illas quidem exhibere nobis per uim debere ostenditis .

TARTARI TVRCO.

Stultum est profecto te a nobis exigere : qui aliorum spoliis ac rapto uiuamus . atq; ab his legationē frustra expectas : qui nō orandi studiū : sed belli gerendi curam foris suscipiunt . Mores præterea nostros iam admirari nequaquam debes : cum parum absint a ritu ferarum . Nam qui maioris instituto ius ipsum in armis habent : cedibus præda ac rapinis pro legibus utuntur .

TVRCVS ATHENIENSIBVS.

Gymnasia uestra Athenienses quibus florentissimam

rem publicā eximiaſq; philoſophiæ laudes aſſe-
citi eſtis : nos maxime hortari uidentur : ut urbi
ueſtræ ignoſceremus . cum propter maiorꝝ ſapī-
entiam ac dignitatē : tum etiam ob ſtudia bōarꝝ
artium : quas ſimul inuētas athenis ac perfectas
accepimus . Sed cum ueſtrum ſemp̄ i me odium
ipſe conſidero : beneficiis quidem uos potius ir-
ritare : quam ad gratiam promptiores mihi red-
dere uideor Idcirco agros eleuſinæ incēdio late
depopulati Appero ad Megaras i predā mili-
tum diuiſimus . mox urbem etiam pari ſaro di-
repturi . Hoſtis enim clementiam ſepe uincit de-
licti magnitudine.

ATHENIENSES TVRCO.

Non odio quidem aduerſum te nitemur . Quid enī
ſalutis nobis libertate eſſe poteſt . Sed pro prima
liberis ac parētibus (quibus omnia debētur) ar-
ma ſumpſimus . Nec tecū hoſtiliter agere uide-
mur : ſi noſtra defendūus : cū tu aliena oppugnes
Sed qđ te maxime deceat reſpicere oportet . nū-
quid ipſi deliquerimus . Ignouit Sylla Athenis
Bis etiā Alexander uenia dignatus eſt . Quæ uero
tua dici uictoria poteſt ſi nos belli premium p-
dideris ? Debes igitur nos potius in exemplum

.XIX.

pietatis seruare: quo tibi facile omnium animos
ad gratiam conciliabis: quam crudelitatem libi-
dinem & furorem in captiuos ostendere. quibus
græcos aduersum te odio concitabis. Nos tamē
quibus nulla ulterius belli fiducia est: nisi uenia
dignaberis extrema fortiter audebimus. Quid
enim pulchrius est: aut in humanis unquam iucundius
esse potest: quam egregios ciues atque domesticos
pro salute omnium se se intrepidos morti exponere?

TVRCVS THEBANIS.

Direptionem athenarum uos egre Thebani pu-
lisse audio. quos & belli socios & consilioꝝ in
me participes exitisse iam pridem persuasimus.
Vobis igitur quibus ingens hostium metus incessit
idem rerum exitus fata debent. paresque athenien-
sibus calamitates. Hæc ideo significauimus: ut
metu prius & scelerum conscientia mox uero gra-
uioribus suppliciis torqueamini.

THEBANI TVRCO.

Deletis Atheniensibus non solum Thebanis animos;

uerū & græcis omnibus : quorū sepe libertatis
auctores extitimus : uires ad bellum auxisti : qui
armorum rabie uersi in furorem : te quidem ī tot
scelerum penas ultro reposcant . Solet & enim
plerūq; afflictis rebus ultima fati necessitas cerā
quoque miseris salutē polliceri . nec facile tyrāno
parere consuescunt : qui aliis imperare didicerūt .

TVRCVS LACEDEMONIIS.

Exercitiū Lacedemonii : quē ad spartā oppugnandā
sub Cleandro misimus formidare uos audio : in
quo peditum . M. xx. delecta comparauimus .
Equitum uero leuis armaturæ . viii . quorū etiam
uirtus ī bello eximia : ac fides non tā sepe nobis
spectata ē : quā hostibus formidolosa . Vos igitur
tot fortunæ calamitatibus affectos : ad rē publicā
ac ciuium salutem respicere oportet . ne si pristina
maiorū uirtute bellū uobis supra uires aduersum
nos gerendum sit : mox temeritatis penas luere
cogamini . Pulchrum enim est gratiam in his ab
hoste promereri : quæ si facere recusamus : ad eā
mox tamen inuiti compellimur .

LACEDEMONII TVRCO.

Cleandro apud Laconas cum uniuerso exercitu

. XX .

nostro deditionē nosmet sponte fecimus . Tutius
enim lacedemonii esse duxerunt hostium consilia
admittere quom salubria uiderentur: quam arma
experiri . Nec uisa nobis potior uictoria est : quā
nullo rei publicae detrimento patriam ab incēdio
belli seruasse .

EPISTOLAE MAGNI TVRCI FI
NIVNT : A LAVDINO EOVI TE
HIEROSOLIMITANO EDITAE ;

De Hermofrodita per d. An. Parnormitanum .

CARMEN DECASTICON .

Cum mea me genitrix grauidō gestaret in aluo
Quid pariat fertur consuluisse deos .
Mas sibi phebū ait: mars foemina: iunoq; neutrum .
Cumq; forem natus hermofroditus eram .
Querenti letum Iuno ait: Occidet armis .
Mars cruce phebū aquis: fors rata quæq; tulit .
Arbor obumbrat aquis conscendo decidit ensis .
Quem tuleram casu labor & ipse super .
Pes hesit ramis subiit caput amne tuliq;
Foemina uir: neutrum flumina: tela: crucem .

. FINIS .

. G .

. F .

. I .



Repertorium epistolaz hoc in uolumine conten
tarum.

Reperitur enim illa : quam scrip.

Turcus Zancassano:	folio	.i.
Zancassanus turco:	fo.	.ii.
Turcus zancassano:	fo.	.ii.
Zancassanus turco:	fo.	.ii.
Sexuares Rex Armeniæ turco:	fo.	.ii.
Turcus Sexuari:	fo.	.iii.
Soldanus turco:	fo.	.iii.
Turcus soldano :	fo.	.iii.
Turcus Pontifici Romano.	fo.	.iii.
Pontifex romanus turco:	fo.	.iii.
Turcus Pontifici romano:	fo.	.v.
Pontifex Romanus turco:	fo.	.v.
Turcus Venetis :	fo.	.v.
Veneti turco:	fo.	.v.
Turcus Græciæ magistratibus :	fo.	.vi.
Græciæ magistratus turco:	fo.	.vi.
Turcus Venetis :	fo.	.vi.
Veneti turco:	fo.	.vi.
Turcus Genuensibus :	fo.	.vii.
Genuenses turco:	fo.	.vii.

.XXI.

Turcus Naritiis :	fo.	.vii.
Naricii turco:	fo.	.vii.
Turcus Coreyrensis:	fo.	.vii.
Coreyrenses turco:	fo.	.vii.
Turcus regi Cypriorum:	fo.	.viii.
Rex Cypriorum turco:	fo.	.viii.
Turcus Methonensibus :	fo.	.viii.
Methonenses turco:	fo.	.viii.
Turcus Coronensibus :	fo.	.viii.
Coronenses turco:	fo.	.ix.
Turcus Florentinis :	fo.	.ix.
Florentini turco:	fo.	.ix.
Turcus Ponticis :	fo.	.ix.
Pontici turco:	fo.	.ix.
Turcus Cretensibus :	fo.	.ix.
Cretenses turco:	fo.	.ix.
Turcus Chii :	fo.	.x.
Chii turco:	fo.	.x.
Turcus Epidauris :	fo.	.x.
Epidauri turco:	fo.	.x.
Turcus Nauplensis :	fo.	.x.
Nauplenses turco:	fo.	.x.
Turcus Pannonius :	fo.	.xi.
Pannonii turco:	fo.	.xi.

Turcus Nacedonibo:	fo.	.xi.
Macedones turco:	fo.	.xi.
Turcus Asiaticis :	fo.	.xi.
Asiatici turco:	fo.	.xi.
Turcus Bithiniis :	fo.	.xi.
Bithinii turco:	fo.	.xii.
Turcus Delphicis :	fo.	.xii.
Delphici turco:	fo.	.xii.
Turcus Pergamentis :	fo.	.xii.
Pergamenti turco:	fo.	.xii.
Turcus Mithelenis :	fo.	.xii.
Mitheleni turco:	fo.	.xii.
Turcus Amazoniis :	fo.	.xiii.
Amazonii turco:	fo.	.xiii.
Turcus Illiricis :	fo.	.xiii.
Illirici turco:	fo.	.xiii.
Turcus Rhodiis :	fo.	.xiii.
Rhodii turco:	fo.	.xiii.
Turcus Rhodiis :	fo.	.xiii.
Rhodii turco:	fo.	.xiii.
Turcus Epiris :	fo.	.xiii.
Epiri turco:	fo.	.xv.
Turcus Dalmatis :	fo.	.xv.
Dalmatæ turco:	fo.	.xv.

.XXII.

Turcus Appulis :	fo. .xv.
Appuli turco:	fo. .xv.
Turcus Brundusinis :	fo. .xv.
Brundusini turco:	fo. .xvi.
Turcus Syracusanis :	fo. .xvi.
Syracusani turco:	fo. .xvi.
Turcus Italie magistratibus :	fo. .xvi.
Italie magistratus turco:	fo. .xvi.
Turcus Regi Ferdinando:	fo. .xvi.
Rex Ferdinandus turco.	fo. .xvii.
Turcus Siculis :	fo. xvii.
Siculi turco:	fo. xvii.
Turcus Alexandrinis :	fo. .xvii.
Alexandrini turco:	fo. xvii.
Turcus tartaris :	fo. xviii.
Tartari turco:	fo. .xviii.
Turcus Atheniensibus :	fo. .xviii.
Athenienses turco:	fo. .xviii.
Turcus thebanis :	fo. .xix.
Thebani turco:	fo. .xix.
Turcus Lacedemoniis :	fo. .xix.
Lacedemonii turco:	fo. .xix.

Finis tabulæ eplāꝝ magni turci. quæ sunt. lxxxx.

